

Big Brother Lenny 10 año na radio

ORANJESTAD(AAN)—Big Brother Lenny, e popular Dee Jay, Lenny Denz ta cumpli su segun- do lustro na radio awe Ejoyencito cu na edad di 12 año a cuminza toca piano keriendo cu e lo bira un Beethoven y cu a cuminza canta keriendo cu e por a bira un Enrico Caruso of Mario Lanza, y cu poco luna despues a cuminza graba programa a haya interes pa radio, musica y locucion, y na edad di 18 año a bay Hu- landa pa estudio.

Big Borthor Lenny a studia pa maestro na Hu- landa y a haya oportuni- dad na West Indische Af- deling di Radio Neder- land pa traha programa destina pa Isla Ariba.

Esaki tabata su debut radial. Despues el a traha como discjockey den un nightclub na Rotterdam y a bira animador musi- cal.

Despues cu Meneer Lenny a termina su estu- dio, el a regresa Aruba, y

no a dura mucha cu el a bay Saba y cerca propie- tario di Voice Of Saba el a haya oportunidad pa traha como D.J. locutor tambe.

El a regresa Aruba y a haya oportunidad cerca Sr. Albertico Arenss pa e por cumpra 2 ora di pro- grama y a logra tambe.

Cinco año largo Lenny tabata tin su programa dominical "Lenny Denz Champion Show" y e show "Turning the table" tur diaranzon, diaviera y diasabra di 7 pa 11 ano- chi.

Despues di cinco año na Voz di Aruba su interes a lanta pa e bay un radio FM y el a pasa pa Canal 90 pero no a habri e por- ta di e studio ya cu pa circunstancianan el a bin resulta ta habri porta di FM radio pero na Ra- dio CARina.

Aki e tin actualmente 3 programa cu ta esun di lanta hende tur mainta 6 or pa 7 or, Lenny's Country Show di dialuna

te diaviera. Diasabra di 6 or atardi pa 8 or ano- chi e tin e Big Brother Lenny Show cu su quiz- nan cu ta masha popular, y diadomingo e ta produ- ci e programa di e plato Surinameo Moksi Alesie tirando tur ingrediente bruha den otro y presen- tando e Moksi Alesie Show diadomingo merdia

Den pasado e tabata tin un programa di jazz pero debi na obligacion fami- liar e programa no tey mas.

Awe tardi for di 6 or te 12 or anochi Lenny cu tambe a bira "Cabaretis- ta" den Cabaret Picante di Studio 84 ta presenta un programa combina cu Mr. J., popular Joe Her- nandez den cual progra- ma por goza di exitonan di ultimo diez añanan.

Empleadonan di Radio Carina awe ta di fiesta cu Lenny, ya cu Big Brother no ta laga su small bro- ther y sisternan na caya tampoco, sin siquiera un buscuchi soda.

Nan a entrega lista 'trobe

Boso ki sa kico mi ta skirbi den mi noticianan? Soketadanan maner"ayera. Ata yen'i buja na be- stuskanto. Nan a'aci payasada cu bandera. Hopi a bai grita mustra con macho nan ta. Puntra nan ki- co ta pasando y nan ta bisabo--nos ta gan'eleccion Puntranan pakico nan ta vota, nan no sa. M'a pasa den.duru.M'a traha den campo. M'a pasa den bon cu Lago sù tempo. Mi nietonan ta pasa den malo awe, pesey mi no por tene mi boca cera mas. Ten cu mi tata a yuda cushina aloe na Mon Plesie na fabrica di Adriaan Lacle, ainda nos tabata biba miho cu e sufrimentodjewe. Ayera merdia mi a mira hende grandi hunga wega di mucha. M'a cor- da'riba Shon A y Juancho y e docto di e tempo di UNA cu ta pasa cu carloca cu lodspiekie riba dak den cayanan girtando., atencion , atencion. Esey ainda tabata mas bunita cu e porqueria djawe.

T'ami ta Liza !

Marcha internacional di Rosario

ORANJESTAD(AAN)—Awe e marcha Interna- cional di Rosario ta tuma lugar rond di mundo. E ora cu esaki ta tuma lugar na Aruba pa cuadra cu oranan mundial, ta 3 or awe tardi.

Tur devoto, ta ser pidi door di Blue Army Aruba pa bini hunto pa reza ro- sario den misanan.

E ocacion ta pa reza pa e Concilio Extra ordinario di Papa y Obisponan cual ta termina dia 8 di de- cember y ta tuma lugar na Roma, tambe lo reza pa necesidadnan di nos pueblo, pa tur hogar na Aruba, pa juventud, pa vocacion sacerdotal y tambe pa victimanan di e temblor na Mexico.

Eddy Maduro 15 año cu Radio Antillana

ORANJESTAD(AAN)—Awe e popular locutor di radio, Eddy Maduro ta cumpli 15 año trahando cu Radio Antillana, y awe tambe e grupo cu el a funda na 1980, Grupo Radial Eucumenico cu participacion di persona- nenan di diferente iglesia ta cumpli su prome lustro di existencia tambe.

Pa keda ripiti bida di Eddy for di su nacemen- to te cu awe, lo haci cu lo no tin espacio den co- rant un luna largo, pesey lo tene esaki cortico.

Un cos si ta sigur cu

den e 15 añanan cu a pa- sa Eddy Maduro a desa- rolla su mes den un di e personahenan mas popu- lar na San Nicolas, y ken- d' ta goza di un admira- cion grandi no solamente cerca juventud pero tam- be serca e 'grandinan'.

Si puntra Eddy kende- nan ta su fanaticonan di mas grandi na radio, e ta contesta mes ora, "Mi machi y pachinan, cu semper a dunami tur apoyo".

Si puntra Eddy si el a yega di 'pega barco' na radio, e contesta ta: "Ta sa mi no sa cuanto barco mi a yega di pega, pero sigur ta cu ningun hende tin conteo di esaki".

Eddy ta goza di admira- cion grandi di su director Sr. Tuyo Prins y di su co- leganan di Radio Antilla- na. Un fallo grandi so e tin, esey ta cu ora e haya su mes cu microfon su di- lanti, sea cu e no kier stop di papia, of e no sa kico e lo bay papia, ta un di e comentaronan cu un

colega a expresa di dje, pero naturalmente den broma pa despues sigui elogia persona di Eddy.

Radio Antillana ta di fiesta awe, pero e celebra- cion a cuminza ayera ca- ba cu pasapalo, cro- quette, pastechi, pan bollo, refresco y pa no lu- bida e botter 'tercer lus- tro' di champaña.

Un cos cu Eddy semper a mantene tur caminda: "Mi a yega asina leeuw danki na apoyo di mi co- leganan, tanto na Radio Antillana como di otro emisoranan, freelancer- nan, periodistanan y re- porteranan y muy en particular, pa mi spons- oran, oyentenan grandi y chiquito y principalmen- te di Sr. Tuyo Prince".

Addison cu programa di celebracion

ORANJESTAD(AAN)—Dia 9 di october Voz di Aruba ta cumpli 31 año di existencia y manera a bira tradicion, Addison Croes, cu su Addison's Programs Company, lo tin un programa special atrobe.

Ta trata di un programa di celebracion cu ta cu- minza 8 or mainta y ter- mina te 6 or atardi duran- te cual programa lo tin encursionan pa e oyente- nan, entregamento di pre- mionan pa preguntanan cu ta ser haci y natural- mente actuacion di varios di nos artistanan di ayera y di awe.

FIESTA di SV "YARA"
Cu e obheto di recauda
fondo: Sportclub Yara
ta tene un Fiesta baila-
ble Awe noch den
YARA RANCH
na Savaneta.
Musico lo ta di e popu-
lar conjunto Estrella de
Oro y Disco.
entre 9'or y 3'or
Entrada: Fls. 5,-



ta presenta
E WEEK-END AKI:
DIASABRA:
LA NUEVA FUERZA
for di 10'or te cu 4'or
Entrada: Fls. 10,-

DIADOMINGO:
HAPPY HOUR
entre 6'or y 9'or
cu Duo Ronny y Tony
Y pa 10'or Mariachi:
Perla di Aruba
Entrada: GRATIS !



FLS 75.-

PIEDRA PLAT

ENTERPRISES

